



Concello de Noia

RESOLUCIÓN DA ALCALDÍA

Vista a proposta das bases reguladoras das axudas para adquisición de libros de texto e material didáctico e para o financiamento do servizo de comedor escolar para educación infantil e primaria, aprobada na sesión plenaria celebrada o día 27 de maio de 2021.

Vista a proposta de modificación das bases reguladoras das axudas para adquisición de libros de texto e material didáctico e para o financiamento do servizo de comedor escolar para educación infantil e primaria, aprobada na sesión plenaria celebrada o día 30 de maio de 2024.

Vistos os artigos 19.2 da Lei galega de subvencións e o 23.2 da Lei xeral estatal, reguladores da convocatoria das axudas concedidas en réxime de concorrència competitiva.

No uso das competencias atribuídas á Alcaldía, pola Lei de bases do réxime local e pola normativa aplicable en materia de subvencións, e demais normativa de xeral aplicación,

RESOLVE:

PRIMEIRO.- Aprobar a convocatoria para o curso 2024-2025 das axudas para adquisición de libros de texto e material didáctico e para o financiamento do servizo de comedor escolar para educación infantil e primaria, en réxime de concorrència competitiva, nos seguintes termos:

Primeiro: Beneficiarios.

Poderán ter a condición de beneficiarias as familias que cumpran os seguintes requisitos mínimos:

- A. Todos os membros da unidade familiar deberán estar empadroados no Concello de Noia, cun mínimo de 6 meses de antigüidade, agás os supostos excepcionais previamente acreditados polos servizos sociais municipais.*
- B. Ter algún fillo/a matriculado/a nalgún curso de educación infantil ou primaria, nun centro público ou concertado sito no termo municipal de Noia, para o curso 2024-2025.*
- C. Non superar os ingresos brutos per cápita da unidade familiar en que estea integrado o/a neno/a, a cantidade do salario mínimo interprofesional anual correspondente ao ano 2022 (14.000€).*

Segundo: Obxecto e finalidade das axudas.

As axudas que se convocan teñen coma obxecto o cofinanciamento da adquisición dos libros de texto e material didáctico, e do servizo do comedor escolar, dos alumnos de ensinanza infantil e primaria, así coma dos centros de ensino especial, nos supostos nos que non sexa posible a escolarización nos centros de Noia.

Concello de Noia

Rúa Rosalía de Castro, 2, Noia. 15200 (A Coruña). Tfno. 981842100. Fax: 981821741





Concello de Noia

Con estas axudas perséguese a correcta escolarización dos nenos/as pertencentes ás familias empadroadas no Concello de Noia, que cumpran os requisitos da base 5ª. Igualmente, perséguese facilitar a conciliación da vida laboral e familiar, mediante a axuda do financiamento do comedor escolar.

Terceiro: Bases Reguladoras

A presente convocatoria se rixe polas Bases reguladoras publicadas no BOP núm. 105, do sete de xuño de 2021, dispoñible en:

<https://bop.dacoruna.gal/bopportal/cambioBoletin.do?fechaInput=07/06/2021>

A presente convocatoria se rixe, así mesmo, polas Bases reguladoras modificadas e publicadas no BOP núm. 115, do catorce de xuño de 2024, dispoñible en:

https://bop.dacoruna.gal/bopportal/publicado/2024/06/14/2024_0000004110.pdf

Así mesmo, atópanse publicadas no portal de transparencia da sede electrónica do Concello de Noia (<https://noia.sedelectronica.gal/transparency>) e na web municipal (<http://www.noia.es>).

Cuarto: Contía das axudas

A contía das axudas variará en función da renda per cápita familiar, sen que en ningún caso poda superar o 100%.

A contía das axudas para adquisición de libros de texto e material escolar ascenderá a 30 € se a renda per cápita familiar é igual ou inferior a 14.000 €.

A contía das axudas para o financiamento do comedor escolar se outorgarán segundo o seguinte criterio económico:

- Para a renda per cápita familiar igual ou inferior a 4.666,67 € ascenderá a 50 €/mes, agás os meses de setembro e xuño nos que o importe da axuda ascenderá ao 70% do concedido.*
- Para a renda per cápita familiar superior a 4.666,67 € e igual ou inferior a 9.000 € ascenderá a 30 €/mes, agás os meses de setembro e xuño nos que o importe da axuda ascenderá ao 70% do concedido.*

Quinto: Dotación orzamentaria.

A dotación orzamentaria para a concesión das subvencións, tanto para libros e material coma para o comedor escolar, atópanse consignadas na partida 3261 48000 "Actividades complementarias á Educación: Axudas libros e comedor escolar".

Do crédito definitivo consignado, consta unha retención de crédito para material escolar por importe de 15.000 €, identificada co número 220240012066.

Concello de Noia

Rúa Rosalía de Castro, 2, Noia. 15200 (A Coruña). Tfno. 981842100. Fax: 981821741





Concello de Noia

A retención realizada para a concesión das subvencións para o servizo de comedor escolar ascende a 24.050 €, no que ao exercicio 2024 se refire (operación núm. 220240012067), xa que neste caso, resultan afectados dous exercicios diferentes; así, para o exercicio 2025, deberase consignar a cantidade necesaria, que ascenderá a 37.050 € (o que fai un total de 61.100 €).

En calquera caso, os meses de setembro e de xuño só se financiará o 70% do importe outorgado mensualmente.

Unha vez adxudicadas as axudas para adquisición de libros de texto e material escolar, de existir remanente, este pasará a incrementar a retención para os comedores escolares.

Sexto: Presentación das solicitudes e prazo.

As solicitudes para participar axustaranse ao modelo establecido que se facilitará no Rexistro Xeral do Concello e tamén está á disposición dos/as interesados/as na sede electrónica do Concello.

A presentación de solicitudes, unha vez cumprimentadas polos interesados, farase no Rexistro Xeral do Concello ou tamén a través da sede electrónica do Concello de Noia e na forma establecida no artigo 16.4 da Lei 39/2015, de 01 de outubro, do Procedemento Administrativo Común das Administracións Públicas.

As solicitudes deberanse presentar no **prazo de quince días hábiles**, contado a partir do día seguinte ao da publicación do extracto da presente convocatoria no Boletín Oficial da provincia de A Coruña, data na que se dará publicidade no taboleiro de anuncios e na sede electrónica do Concello de Noia.

Sétimo: Documentación que se achegará xunto á solicitude.

Coa solicitude achegárase a seguinte documentación:

1. Documento de solicitude no modelo normalizado.
2. Fotocopia do DNI de tódolos membros da unidade familiar; no seu defecto, poderase presentar fotocopia do libro de familia, na que consten tódolos membros.
3. Acreditación da capacidade económica: existen varias fórmulas segundo as circunstancias familiares:
 - i. Fotocopia da declaración da renda das persoas físicas **correspondente ao exercicio 2022**. No caso de non estar obrigado pola Axencia Tributaria a presentala, deberase achegar certificación da AEAT.





Concello de Noia

Os solicitantes que o desexen poderán autorizar ao Concello de Noia a solicitar ante a AEAT os datos relativos ao imposto sobre a renda das persoas físicas requiridos.

ii. Para os casos nos que non exista a obriga de presentación da declaración da renda, os ingresos anuais poderanse xustificar mediante a presentación dalgún dos seguintes documentos, sempre referidos ao exercicio 2022:

- *Certificado do INEM, no caso de recibir prestación ou subsidio de desemprego.*
- *Certificación do Instituto da Seguridade Social ou organismo correspondente no caso de percibir pensión contributiva de xubilación, invalidez, viuvez ou orfandade.*
- *Certificación acreditativa no caso de percibiren ingresos procedentes de pensións non contributivas, fondos de asistencia social, rendas de integración social de Galicia ou da lei de integración social das persoas con discapacidade.*

iii. Para os casos nos que a capacidade económica da unidade familiar experimentara un deterioro significativo en relación co exercicio utilizado para a análise da capacidade económica, os solicitantes interesados poderán manifestar tal circunstancia acreditando a nova situación económica, achegando a documentación xustificativa correspondente ao exercicio anterior á convocatoria das axudas, así coma a correspondente aos dous exercicios anteriores á convocatoria das axudas (coa finalidade de acreditar o deterioro). Así mesmo, deberán acreditar documentalmente o motivo do deterioro económico (despido, liquidación empresarial, etc.).

*En calquera caso, **é obrigatoria a acreditación dos ingresos ou da súa inexistencia**, ben mediante a documentación antes citada ou mediante o correspondente informe sociofamiliar.*

Oitavo: Órgano de instrución e resolución. Prazo de resolución e notificación.

O órgano instrutor será o alcalde ou o/a concelleiro/a no que delegue as competencias en materia de ensino, sendo o órgano competente para a resolución a concelleira delegada de economía e facenda.

A resolución ditarase no prazo máximo de tres meses desde a data de finalización da presentación das solicitudes.

Deberá ser notificada aos interesados para que no prazo máximo de dez días realicen a aceptación da axuda. Esta notificación realizarase de forma colectiva mediante a inserción do lista no taboleiro de anuncios do Concello, identificando cada solicitude co número de rexistro asignado á solicitude.

Concello de Noia

Rúa Rosalía de Castro, 2, Noia. 15200 (A Coruña). Tfno. 981842100. Fax: 981821741





Concello de Noia

A resolución definitiva de concesión porá fin á vía administrativa, polo que contra a mesma se poderá interpoñer, potestativamente, recurso de reposición ante concelleira de economía e facenda, no prazo dun mes contado desde o día da recepción da notificación da presente ou desde a súa publicación, ou ben, directamente, recurso contencioso-administrativo ante o Xulgado do contencioso administrativo no prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente

Novena: Prazo de xustificación

Para poder ser aceptadas, as axudas de material escolar deberán ser canxeadas nas librarías antes do 30 de novembro do ano en curso, debendo as librarías achegar as facturas ao Concello antes do 15 de decembro do mesmo.

SEGUNDO.- Publicar a convocatoria na Base de Datos Nacional de Subvencións (BDNS) e un extracto no Boletín oficial da provincia da Coruña, así coma no taboleiro de anuncios e na sede electrónica do Concello de Noia.

TERCEIRO.- Dar traslado da presente resolución á Intervención e ao Pleno da Corporación na próxima sesión que se celebre.

CUARTO.- A presente resolución pon fin á vía administrativa, polo que contra a mesma se poderá interpoñer, potestativamente, recurso de reposición ante o órgano que ditou o acto, no prazo dun mes contado desde o día da recepción da notificación da presente ou desde a súa publicación, ou ben, directamente, recurso contencioso-administrativo ante o Xulgado do contencioso administrativo no prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente.

O Alcalde

A secretaria ,

José Santiago Freire Abeijón

Lucía Artime Alonso.

Asinado dixitalmente á marxe

Concello de Noia

Rúa Rosalía de Castro, 2, Noia. 15200 (A Coruña). Tfno. 981842100. Fax: 981821741

